

“Pozornost Europe i svijeta usmjerena je na BiH”

Sljedećih nekoliko dana, pa čak i sati, biće ključni za budućnost BiH. Pozornost Europe i svijeta usmjerena je na Bosnu i Hercegovinu, u trenutku kada njeni lideri treba da donesu odluku o tome da li će iskoristiti priliku da prvim povijesnim koracima ka NATO-u i europskim sigurnosnim strukturama.

Danas se svi ambasadori Europske unije susreću sa Predsjedništvom BiH kako bi apelirali na njih da ne propuste ovu priliku da oružane snage BiH stave pod kontrolu države, da sve njene vojnike obuku u iste uniforme, u kojima će krenuti ka NATO-u. Sutra u Sarajevo dolaze politički direktori Vijeća za implementaciju mira, gdje će biti informirani o obrambenim reformama kao i drugim procesima reforme koji su trenutno u tijeku. Vojni odbor NATO-a, u kome se nalaze neki od najviših vojnih časnika iz 19 zemalja članica NATO-a, također sutra dolazi u BiH, gdje će biti informirani o procesu obrambene reforme.

Vijeće za implementaciju mira će se sastati u četvrtak i petak. Oni će dati svoju ocjenu o tome da li su politički lideri BiH spremni da pokažu političku i državničku zrelost da podrže reforme koje su potrebne da ovu zemlju uvedu u transatlanske strukture. Biće im prezentirana izvješća predsjedavajućih svakog od tri povjerenstva o napretku postignutom u oblasti reforme, carina odnosno PDV-a, obrane i obavještajne djelatnosti.

Visoki predstavnik je duboko uvjeren da upravo članstvo najprije u programu Partnerstvo za mir a zatim i u NATO-u Bosni i Hercegovini nudi najbolje garancije za dugoročni mir i stabilnost. On će Vijeću za implementaciju mira reći da bi

bila tragedija ukoliko bi BiH odbacila ovu povijesnu priliku da građanima ove zemlje podari mirnu budućnost.

No on će također istaći da se odluka o tome nalazi u rukama političkih lidera BiH. NATO od organa BiH očekuje da to sami urade. On će Vijeću za implementaciju mira reći da ove obrambene reforme, a nakon njih i reforme u oblasti indirektnog oporezivanja te obavještajne djelatnosti, predstavljaju najveći test za međunarodni kredibilitet BiH od kada je on preuzeo dužnost visokog predstavnika.